

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

Z A K O N

**O DOPUNI ZAKONA O IZVRŠAVANJU BUDŽETA
FEDERACIJE BOSNE I HERCEGOVINE ZA 2014. GODINU**

Sarajevo, mart 2014. godine

PRIJEDLOG ZA DONOŠENJE ZAKONA PO HITNOM POSTUPKU

U skladu sa odredbama člana 191. stav 2. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i člana 186. stav 2. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), predlažemo da se Zakon o dopuni Zakona o izvršavanju Budžeta Federacije Bosne i Hercegovine donese po hitnom postupku.

Predložena dopuna Zakona o izvršavanju Budžeta Federacije Bosne i Hercegovine („Službene novine Federacije BiH“ broj 99/13) omogućit će da se u slučaju vanrednih okolnosti zadrži kontinuitet u izmirenju obaveza Vlade Federacije BiH, te shodno tome, u slučaju spriječenosti Ministra finansija Vlada Federacije Bosne i Hercegovine ovlasti osobu koja će to uraditi.

Z A K O N

O DOPUNI ZAKONA O IZVRŠAVANJU BUDŽETA FEDERACIJE BOSNE I HERCEGOVINE ZA 2014. GODINU

Član 1.

U Zakonu o izvršavanju Budžeta Federacije Bosne i Hercegovine za 2014. godinu („Službene novine Federacije BiH“ broj 99/13) u članu 41. stav 3. tačka a) iza riječi „Federacije BiH“ dodaju se riječi „ili, u slučaju spriječenosti, osoba koju ovlasti Vlada“.

Član 2.

Ovaj Zakon stupa na snagu narednog dana od dana objavljivanja u “Službenim novinama Federacije BiH”.

OBRAZLOŽENJE

Z A K O N A O DOPUNI ZAKONA O IZVRŠAVANJU BUDŽETA FEDERACIJE BOSNE I HERCEGOVINE ZA 2014. GODINU

I USTAVNI OSNOV ZA DONOŠENJE

Ustavni osnov za donošenje ovog Zakona sadržan je u članu III 1. tač.c) i g), koji je izmijenjen amandmanima VIII, LXXXIX i CVI i članu IV A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije kao i finansiranje djelatnosti federalnih vlasti, ustanova i institucija koje federalne vlasti osnivaju, a Parlament Federacije Bosne i Hercegovine je, uz ostale nadležnosti predviđene Ustavom, odgovoran za donošenje zakona o obavljanju dužnosti federalne vlasti.

II RAZLOG DONOŠENJA

Predložena dopuna Zakona o izvršavanju Budžeta Federacije Bosne i Hercegovine („Službene novine Federacije BiH“ broj 99/13) omogućit će da se u slučaju vanrednih okolnosti zadrži kontinuitet u izmirenju obaveza Vlade Federacije BiH, te shodno tome, u slučaju spriječenosti Ministra finansija Vlada Federacije BiH ovlasti osobu koja će to uraditi. Zbog hitnosti donošenja navedene dopune Zakon je u proceduru upućen po hitnom postupku u formi prijedloga.

III FINANSIJSKA SREDSTVA

Za provođenje ovog zakona nisu potrebna dodatna finansijska sredstva iz Budžeta Federacije Bosne i Hercegovine.